



UNIVERSITÄTS-
BIBLIOTHEK
PADERBORN

**Antonii Milliei, Lvgdvnensis, E Societate Iesv, Moyses
Viator**

Millieu, Antoine

Lugduni, 1636

Libri I. Argumentum, & Synopsis.

[urn:nbn:de:hbz:466:1-69066](https://nbn-resolving.org/urn:nbn:de:hbz:466:1-69066)



ANTONII MILLIEI
LVGDVNENSIS, E
SOCIETATE IESV,
MOYSES VIATOR.

Libri I. Argumentum, & Synopsis.



EVs, foederis sui memor, durissimam populi sui ab Ægyptiis oppressi seruitutem miseratur: egregia virtute præmunitum, & coelesti viso ad ardentem in monte rubum inauguratum, mirificaque authoratum virga Moysen in Ægyptum mittit Oratorem libertatis, aut vindicem. Exhibetur hoc libro miserrima Israëlitarum seruitus, & in Moysis legatione spes libertatis, Exodi 1. 2. 3. & 4. capitibus, sequenti Synopses ordine, & marginalibus paginarum numeris.

1 Propositio, & argumentum totius Operis, cum allegoriæ scopo, ex 1. ad Corint. 10. 11. *Omnia in figura contingebant illis.*

2 Limbus Patrum, qui sinus Abrahæ, Luc. 16. cuius ante vestibulum Purgatorius ignis, & Cherubim cum gladio versatili flammeo, Genes. 3. 14. vt interpretatur S. Ambros.

3 Abrahæ ex Elysiis pro suorum liberatione supplex oratio. Eorum miserandam seruitutem cognorat viso

A fibi

2 *Libri I. Argumentum,*

sibi oblato in somnis, Genes. 15. 9. Act. 7. 6. ante annos 400. quod interpretatur de nepotum seruitute in fornacibus Ægyptiis.

4 Eadem vota & preces Patrum ad aram, quæ in Elyfio fingitur ad litanda precum sacra, qualis in cœlo Apocal. 8. 3. & cap. 5. 8.

5 Infantum marium animæ, qui ex edicto Pharaonis Amenophis Nilo merfi, sub ara Elyfia idem orant, quod illæ SS. Martyrum in cœlo sub altari, Apocal. 6. 9.

6 Obstetricum animæ, quæ pepercerant infantibus Hebræis illuso Rege, beatæ in Elyfio ædificatis à Deo domibus, Exod. 1. 15.

7 Deus è folio Majestatis, cui circumfusi beatorum Angelorum ordines, vota precantum accipit. Beatitudo Angelorum è visione clara Dei, Dan. 7. 10. Apocal. 5. 11.

8 Dei consilium de liberandis tandem Israëlitis diu satis exercitis in Ægypto, probatisque.

9 Angelorum alacritas, vt scintillarum in arundineto micantium ad Dei nutus, & sumendas de impiis poenas Sanctos opprimentibus. Sap. 3. 7. Psal. 149. 7. Apoc. 7.

10 Dei cunctabunda semper in poenas iustitia ministrorum celeres impetus moderatur, oblata prius Ægyptiis per Moyssem pace, quem Legatum ad Pharaonem destinat, collaudata viri virtute & fide.

11 Archangelus Michael, vt verisimile, ad Moyssem in Horebi verticem mittitur, qui nomen, personamque Dei gerens, flammante rubo Vatem informet, atque inauguret ad legationem.

12 Verisimilius est, ante incarnatum Dei Verbum per interpretes Angelos semper loquutum Patribus Deum, ad Heb. 1. cum Virgine Matre & Ecclesia Sponsa primùm egisse per se ipsum in persona mediatoris Christi. Non Synagogæ, sed Ecclesiæ prærogatiua fuit osculum oris, Cant. 1.

13 Deus in rubo ardente apparens corporandi Verbi typum exhibet, Exod. 3. 2.

14 Mosis trepidatio, & fiducia, viso prodigio rubi.

15 Vocatus

15 Vocatus à Deo , & de religione loci monitus , nudat pedes.

16 Legatus ad Pharaonem ex Numinis præsentia felicem legationis exitum iubetur sperare.

17 Excusat , & causatur Vates se minimè idoneum tanto muneri.

18 Timorem Deus eripit , & ineffabili Nomine indicato, fidei Ægyptiis, & Hebræis faciendæ tesseram tradit.

19 Mutatur in serpentem virga mirabilium effectrix: manus in sinum coniecta lepra inficitur, & purgatur.

20 Omnipotentia Dei in miraculis , & naturæ stato cursu eadem facillimè peragit omnia ; sed natura est in ordinario rerum, & causarum cursu, & lege.

21 Tergiuersatus Moses obtendit infantiam ; rogatque , vt mittatur ille potiùs Messias , aliquando tandem mittendus, & tandiu iam expetitus mundo.

22 Confirmatur promisso fraternæ facundiæ subsidio. Aaronem legationis socium , & disertum interpretem paulò post obuiam Mosi venturum spondet Deus.

23 Obsequitur tandem Moses , & meditabundus in via expendit propheticè rubi ardentis mysterium.

24 Fingitur Sephora cum duobus pusionibus filiis occurrere viro è pascuis redeunti , & improviso suæ solitudinis nuncio perculsa linqui animo.

25 Iethro Raguel Sacerdos , & Madianitarum Princeps, Mosi focer, cognito Dei iussu comeatum dat genero, fausta precatus omnia ; Sephoræ excusat lacrymas, eamque cum liberis volens dimittit viæ comitem viro, aut sarcinam. Exod. 4. 18. Mosi longa & cœlebs Philosophia ante Sephoræ nuptias , quam probabilius est non duxisse ante annum ætatis 75. aut 76. cum infantuli adhuc sint duo filij ex ea suscepti, Gersã & Eliezer, in ipso discessu Mosi anno ætatis 80. & ambo cum matre Sephora asello impositi, & Eliezer nõdum circuncisione lustratus.

26 Sephora viri amore , & pietate in patrem anceps virum sequitur , vt postea Penelope in simili charitatum conflictu Vlysssem sequuta est.

27 Moses in Ægyptum reuertens itineris molestias subleuat cōmemorandis Abrahæ migrationibus, Gen. 11. & 12. eiusdem, Ismaëlis, & vernarum circuncisione, Gen. 17. 23. & ad Mambraam quercum hospitii, Gen. 18.

28 Sephora, quæ molliore in prolem affectu differebat crudum circuncisionis ministeriū Eliezeri, exhorrescit ad illius fœderis mentionē. Probabilius est, Moysem, ne vxori displiceret, lustricum illum ritum infantulo distulisse.

29 Inde irato Deo, immissus Angelus, qui in diuersorio patri mortem interminetur, atque adeo inferat, nisi Sephora ipsa properata filij circuncisione, petri cultri acie perniciem à marito auertat. Cruentatis filij sanguine manibus complexa viri pedes testatur sibi sanguine illo cōemptum, redempta eo pretio periclitantis viri vita, Exod. 4. 24.

30 Remittitur ad patrem Sephora cum liberis: Moses expeditus illo fasce, festinat in Ægyptum.

31 Aaron in solitudine fratri occurrit: mutuò saluant, & Ramestem rectà petunt.

32 Spei cœlestis effictio, quæ diuinitus obiecta, mysticōque cultu, & comitatu adistentium virtutum adiuta, contrāque pugnantium vitiorum, & monstrorum insidiante inuidia, Mosē & Aaronem nebula occultatos & protectos in Ægyptum comitatur, vt Hebræos in ergastulis pædore obsitos erigat fiducia diuini auxiliij & promissæ libertatis.

33 Miseranda facies Ægyptiæ seruitutis Mosē mouet.

34 Ergastula Israelitarum, & opera indignissima sub custodia, & exactorum crudelissimis verberibus.

35 Fornacum, & latericij luti præcipuus labor ad Ramestem, & Phitona vrbes ædificandas, aut muniendas.

36 Sæuitia exactorū qualis in damnatos ad triremes.

37 Commiseratio Mosē ad calamitatis spectaculum.

38 Mosē iras & zelum spes moderatur, ne erumpant.

39 Vates solatur miseros spe proximæ libertatis.

40 Populi Principes segregat, vt in secreto loco doceat, quorsum, & cuius missu aduenerit.